

宋史

第三函
第十冊

宋史
第三函
第十冊

宋史卷一百二十四

禮志第七十七

禮二十七 凶禮三

外國喪禮及入弔儀
諸臣喪等儀

凡外國喪告哀使至有司擇日設次於內東門之北隅命官攝太常卿及博士贊禮俟太常卿奏請卽向其國而哭之五舉音而止皇帝未釋素服人使朝見不宣班不舞蹈不謝面天顏引當殿喝拜兩拜奏聖躬萬福又喝拜兩拜隨拜萬歲或增賜茶藥及傳宣撫問卽出班致詞訖歸位又喝拜兩拜隨拜萬歲喝祇候退大中祥符二年十二月北朝皇太后凶訃遣使來告哀詔遣官返之廢朝七日擇日備禮舉哀成服禮官詳定儀注以聞其日皇帝常服乘輿詣幕殿俟時釋常服服素服白羅衫黑銀帶素紗軟腳幞頭

太常卿跪奏請皇帝爲北朝皇太后凶訃至掛服又奏請五舉音
文武百僚進名奉慰退幕殿仍遣使祭奠弔慰三年正月契丹賀
正使爲本國皇太后成服所司設幕次香酒及衰服絰杖等禮直
官引使副已下詣位北向再拜班首詣前執盞跪奠俛伏興歸位
皆再拜俟使已下俱衰服絰杖成服訖禮直官再引各依位北向
舉哭盡哀班首少前去杖跪奠酒訖執杖俛伏興歸位焚紙馬皆
舉哭再拜畢各還次服吉服歸驛天聖八年六月契丹使來告哀
禮官詳定北朝凶訃宜於西上閣門引來使奉書令閣門使一員
跪受承進宰臣樞密使已下待制已上竝就都亭驛弔慰七月一
日使者耶律乞石至帝與皇太后發哀苑中使者自驛赴左掖門
入至左昇龍門下馬入北偏門階下行至右昇龍北偏門入朝堂
西偏門至文德殿門上奉書太常博士二員與禮直官贊引入文

德殿西偏門階下行至西上閣門外階下面北跪進書閣門使跪
受承進太常博士禮直官退使者入西上閣門殿後偏門入宣祐
西偏門行赴內東門柱廊中閒過幕次祇候朝見訖赴崇政殿門
幕次祇候朝見皇太后訖出三日近臣慰乞石于驛嘉祐三年正
月契丹告國母哀使人到闕入見皇帝問云卿離北朝日姪皇帝
悲苦之中聖躬萬福朝辭日卽云皇帝傳語北朝姪皇帝嬪太皇
太后上僊遠勞人使訖告春寒善保聖躬中書樞密以下待制已
上赴驛弔慰云竊審北朝太皇太后上僊伏惟悲苦五月獻遺留
物明道元年十一月二十四日敕夏王趙德明夢特輟朝三日令
司天監定舉哀掛服日辰其日乘輿至幕殿服素服太常博士引
太常卿當御坐前跪奏請皇帝爲夏王趙德明夢舉哀又奏請十
五舉音又奏請可止文武百寮進名奉慰告哀使副以下朝見首

領并從人作兩班見先首領見兩拜後班首奏聖躬萬福又兩拜
隨拜萬歲喝賜例物酒食跪受起又兩拜隨拜萬歲喝各祇候退
從人儀同是日皇太后至幕殿釋常服白羅大袖白羅大帶舉哀
如皇帝儀其遣使致祭弔慰如契丹

其入弔奠之儀乾興元年眞宗之喪契丹遣殿前都點檢崇義軍
節度使邪律三隱翰林學士工部侍郎知制誥馬貽謀充大行皇
帝祭奠使副左林牙左金吾衛上將軍蕭日新利州觀察使馮延
休充皇太后弔慰使副右金吾衛上將軍邪律寧引進使姚居信
充皇帝弔慰使副所司預於滋福殿設大行皇帝神御坐又於稍
東設御坐祭奠弔慰使副並素服由西上閣門入陳禮物於庭中
書門下樞密院竝立於殿下再拜訖升殿分東西立禮直官閣門
舍人贊引邪律三隱等詣神御坐前階下俟殿上簾捲使副等並

舉哭殿上皆哭再拜訖引升殿西階詣神御坐前上香奠茶酒貽
謀跪讀祭文畢降階復位又舉哭再拜訖稍東立俟皇太后升坐
中書樞密院起居畢簾外侍立舍人引弔慰祭奠使副朝見殿上
舉哭左右皆哭弔慰使副蕭日新等升殿進書訖降坐俟皇帝升
坐中書樞密院起居畢升殿侍立舍人引弔慰祭奠使副朝見皇
帝舉哭左右皆哭弔慰使副邪律寧等升殿進書訖賜三隱等襲
衣冠帶器幣鞍馬隨行舍利牙校等衣服銀帶器幣有差弔慰使
副蕭日新等復詣承明殿俟皇太后升坐中書樞密院俟立如儀
舍人引蕭日新等升殿進問聖候書畢賜銀器衣著有差仍就客
省賜三隱等茶酒又令樞密副使張士遜別會三隱等伴宴於都
亭驛英宗卽位契丹使來賀乾元節命先進書奠梓宮見于東階
放夏國使人見客省以書幣入後弔慰使見殿門外契丹祭奠使

見于皇儀殿東廂羣臣慰于門外使人辭于紫宸殿命坐賜茶故事賜酒五行自是終諒闇皆賜茶神宗之喪夏國陳慰使丁努鬼名謨繹副使呂則陳聿精等進慰表于皇儀門外退赴紫宸殿門賜帛有差元祐初高麗入貢有太皇太后表及進奉物樞密院請遵故事惟答以皇帝回諭敕書已而宣仁聖烈太后崩禮部太常閣門同詳定高麗奉慰使人於小祥前後到闕令於紫宸殿門見客省受表以進賜器物酒饌退竝常服黑帶不佩魚侯見罷純吉服淳熙十四年金國弔祭使到闕惟皇帝先詣梓宮行燒香禮及使入門祭訖皆就幄舉哭外陳設行事竝如先朝舊儀其奉辭日有司亦先設神御坐及設香案茶酒果食盤臺於几筵殿上宰執升殿分東西立侍從官於殿下西面立使副入門殿上下皆哭使副升殿哭止使副詣神坐前一拜上香奠茶三奠酒畢拜興讀祭

文官跪讀祭文一拜興殿上下皆哭使副俱降歸位立又再拜訖
退

諸臣之喪國制諸王公主宗室將軍以上有疾皆乘輿臨問細小
疾在家或幸其第有至三四者其官邸在禁中多不時而往惟宰
相使相駙馬都尉疾亟幸其第或賜勞加禮焉建隆元年七月宰
相范質有疾太祖親幸其第賜黃金銀絹有差開寶二年趙普有
疾帝再往視賜銀器絹甚厚太平興國中鎮寧軍節度楊信久病
瘖忽能言帝異之遽幸其第加賜資大中祥符三年三月鎮安軍
節度使駙馬都尉石保吉疾亟帝將臨視之其日大忌宰相言於
禮非便遂遣內侍以諭保吉明日始臨省焉六月幸翰林侍講學
士邢昺第視疾賜白金千兩衣著千匹名藥一匳熙寧七年十二
月詔頒新式凡臨幸問疾者賜銀絹宰臣及樞密使帶使相者二

千五百兩匹樞密使使相二千兩匹知樞密院事參知政事樞密副使同知樞密院事一千五百兩匹簽書樞密院事同簽書樞密院事宜徽使七百五十兩匹殿前都指揮使一千五百兩匹駙馬都尉任使相以下者二千五百兩匹任節度觀察畱後以下者一千五百兩匹竝入內內侍省取賜

車駕臨奠太常新禮宰相樞密宣徽使參知政事樞密副使駙馬都尉薨皆臨幸奠醑及發引乘輿或再往咸平二年工部侍郎樞密副使楊礪卒卽日冒雨臨其喪大中祥符元年殿前都虞候端州防禦使李繼和卒真宗將臨其喪以問宰臣對曰繼和以品秩實無此禮陛下敦序外族先朝亦嘗臨杜審瓊之喪於禮無嫌帝然之卽日幸其第康定二年右正言知制誥吳育奏臣竊見車駕每有臨奠臣僚宗戚之家皆卽時出幸道路不戒羽衛不全從官

奔馳眾目驚異萬乘法駕豈慎重之意乎雖震悼方切於皇慈而
舉動貴合乎經禮臣竊詳通禮舊儀蓋俟喪家成服然後臨奠於
事不迫在禮亦宜臣愚欲乞今後車駕如有臨奠去處乞俟本家
既斂成服然後出幸則恩意容典詳而得中警蹕羽儀備之有素
事下禮官議遭喪之家有出殯日乃成服者恐至時難行臨奠請
自今聖駕臨奠臣僚宗戚之家若奏計在交未前卽傳宣閣門只
於當日令所屬候儀衛備奏請車駕出幸若奏計在交未後卽次
日臨奠庶使羽衛整肅於事爲宜詔可其儀乘輿自內出千牛將
軍四人執戈一人執桃一人執芻前導車駕將至所幸之第贊禮
者引喪主哭於大門內望見乘輿止哭再拜立於庭皇帝至幕殿
改素服就臨喪主內外再拜皇帝哭十五舉音喪主內外皆哭皇
帝詣祭所三奠酒喪主已下再拜皇帝退止哭從官進名奉慰皇

帝改常服還內通禮著皇帝臨諸王妃主外祖父母皇帝父母宗
戚貴臣等喪出官服常服至所臨處變服素服天聖喪葬令皇帝
臨臣之喪一品服錫衰三品已上總衰四品已下疑衰皇太子臨
弔三師三少則錫衰宮臣四品已上總衰五品已下疑衰

輟朝之制禮院例冊文武官一品二品喪輟視朝二日於便殿舉
哀掛服文武官三品喪輟視朝一日不哀掛服然其車駕臨問并
特輟朝日數各繫聖恩一品二品喪皆以翰林學士已下爲監護
葬事以內侍都知已下爲同監護葬事葬日輟視朝一日皆取旨
後行慶曆五年四月禮院奉準度支員外郎集賢校理知院曾公
亮奏朝廷行輟朝禮竝乞以聞哀之明日輟朝其假日便以充數
仍爲永例如值其日前殿須坐則禮有重輕自可略輕而爲重更
不行輟朝之禮臣今看詳公亮所奏誠於輟朝之間適宜順變然

慮君臣恩禮之情有所未盡欲乞除人使見辭春秋二宴合當舉樂卽於次日輟朝餘乞依公亮所奏詔可太平興國六年守司空兼門下侍郎平章事辭居正夢準禮一品喪合輟二日詔特輟三日其後鄧王錢俶太師趙普右僕射李沆夢皆一品合輟二日詔竝特輟五日二品三品者亦有特輟焉太平興國九年右諫議大夫參知政事李穆卒禮諫議大夫不合輟朝特輟一日開寶三年羅彥瓌魏仁浦薨以郊祀及軍事不輟朝景德四年同平章事王顯夢以皇帝朝拜諸陵吉凶難於相干更不輟朝康定元年光祿卿鄭立卒禮官舉故事輟朝臺官言卿監職任疎遠恩禮不稱自後遂不輟朝孝宗乾道三年四月一日太常寺言皇伯母秀王夫人夢輟朝五日內二日不視事乞自今月二日爲始輟朝至六日止其二日三日竝不視事從之

舉哀掛服尙舍設次於廣德殿或講武殿大明殿其後皆於後苑
壬地前一日所司預設舉哀所幕殿周以簾帷色用青素其日皇
帝常服乘輿詣幕殿侍臣奏請降輿俟時釋常服服素服白羅衫
黑銀腰帶素紗軟腳幘頭太常博士引太常卿當御坐前跪奏請
皇帝爲某官薨舉哀又請舉哭十五舉音又奏請可止中書門下
文武百官進名於崇政殿門外奉慰皇帝釋素服服常服乘輿還
內建隆四年山南東道節度使慕容延釗卒太祖素服發哀其後
趙普夢太宗亦如之景德四年李沆夢禮官言舉哀品秩雖載禮
典伏緣國朝惟趙普曹彬曾行茲禮今望裁自聖恩詔特擇日舉
哀自後宰臣夢皆用此禮真宗乳母秦國延壽保聖夫人卒以太
宗喪始甚疑舉哀禮官言通禮皇帝爲乳母總麻案喪葬令皇帝
爲總一舉哀止秦國夫人保傳聖躬宜備哀榮况太宗之喪已終

易月之制今爲乳母發哀合於禮典從之鄭國長公主薨禮官言
降服大功擇日成服緣居大行皇太后大祥之內衰服未除典禮
舊章以輕包重酌情順變禮當厭降望不成服皇親諸親亦不制
服帝曰宗室諸王皆不制服情所未忍至期當遣諸王就其第成
服及令皇后臨奠餘如所請皇從弟右監門衛大將軍德鈞卒以
皇帝恭謁陵寢罷舉哀成服天禧元年太尉王旦薨時季秋大享
明堂其日發哀真宗疑之禮官言祠事在質明之前成服於旣祠
之後於禮無嫌詔可康定二年皇子壽國公昕薨年二歲禮官言
已有爵命宜同成人遂發哀成服熙寧十年永國公薨係無服之
殤詔特舉哀成服元祐元年王安石薨在神宗大祥之內司馬光
薨亦在諒闇中皆不舉哀成服高宗於劉光世張俊秦檜之喪皆
爲臨奠然設幄舉哀成服之禮未之行也孝宗乾道三年始爲皇

伯母秀王夫人薨設幕殿後苑壬地舉哀成服復舉行焉皇太后
皇后爲本族之喪孝明皇后姊太原郡君王氏卒中書門下據太
常禮院狀準禮例皇后合出就故彰德軍節度使王饒第發哀成
服文武百僚詣其第進名奉慰從之章穆太后母楚國太夫人吳
氏薨太常禮院言皇帝爲外祖母本服小功詳開寶通禮卽有舉
哀成服之文又緣近儀大功以上方成服今請皇太后擇日就本
宮掛服雍王以下爲外祖母給假其後太后嫡母韓國太夫人薨
亦用此制焉章獻明肅皇后改葬父母前一日皇后詣櫬所俟時
詣成服所改服總尙儀奏請詣靈柩發哭奠酒退六宮內人立班
奉慰掩壙畢皇后詣墳奠獻再拜釋服還宮外命婦進牋奉慰如
儀

輟樂太平興國七年十月中書言今月七日乾明節選定二十二

曰大宴二十日參知政事實偁卒明日皇帝親幸其第臨喪慟哭設奠還宮卽令罷宴有司奏伏以百司告備六樂在庭睿聖至仁聞哀而罷是以顯君父愛慈之道勵臣子忠孝之心伏請宣付史館傳錄美實詔可天禧二年九月十一日宴近臣于長春殿餞河陽三城節度使張旻赴任以王旦在殯不舉樂嘉祐六年三月五日宰臣富弼母秦國太夫人薨十七日春宴禮院上言君臣父子國家均同元首股肱相濟成體貴賤雖異哀樂則同一人向隅滿堂嗟感今宰臣新在苦塊欲乞罷春宴聲樂以表聖人憂恤大臣之意詔下并春宴寢罷

賻贈凡近臣及帶職事官薨非詔葬者如有喪計及遷葬皆賜賻贈鴻臚寺與入內侍省以舊例取旨其嘗踐兩府或任近侍者多增其數絹自五百匹至五百匹錢自五十萬至五萬又賜羊酒

有差其優者仍給米麥香燭自中書樞密而下至兩省五品三司
三館職事內職軍校并執事禁近者亾歿及父母近親喪皆有贈
賜宗室期功袒免乳母殤子及女出適者各有常數其特恩加賜
者各以輕重爲隆殺焉建隆元年十月詔有外干矢石者人給絹
三匹仍復其家三年長吏存撫之慶曆二年詔陳亾軍校無子孫
者賜其家錢指揮使七萬副指揮使六萬軍使都頭副兵馬使副
都頭五萬熙寧七年參酌舊制著爲新式諸臣喪兩人以上各該
支賜孝贈只就數多者給官與職各該賻贈者從多給差遣權并
同權發遣竝與正同諸兩府使相宣徽使并前任宰臣聞疾或澆
奠已賜不願敕葬者奸宗室不經澆奠支賜雖不係敕葬竝支賻
贈餘但經問疾或澆奠支賜或敕葬者更不支賻贈前兩府如澆
奠只支賻贈仍加絹一百布一百羊酒米麪各一十諸支賜孝贈